

Jahresbericht 2020/2021

Übers Vereinsjahr isch prägt vo Absage. Grad nach üsere Hauptversammlig isch der erschi Lockdown cho. Mir hei sämtliche Aktivitäté und ou Sitzige müesse absäge.

Leider het ou üsi Kafistube nid chönne stattfinge.

Am 1. Juli hei mir üsi erschi Vorstandssitzig chönne ha. Leider ha i chrankheitsbedingt nid chönne derbi si, aber meiner Vorstandsfroue hei üsers Johresprogramm sehr guet Vorbereitet.

Am 13. Ouguscht hei mir üse Maibummu chönne nochehole. Einige Froue hei a däm schöne Obe ä wanderig und Aeschisee gmacht. Bimene chline Imbiss hei si dä Obe loh usklinge.

Am 8. Septämber isch du ou endlich d'Seniorereis gsi. Öppe 30 Pärsoné hei sich mit em Summercar ufe Wäg gägem Oberland gmacht. Bi strahlendem Sunneschien hei mir äs guets Mittagässe ufem Beatebärg im Hotel Gloria gnosse. Nachedem Ässe het is d'Gondle no ufs Niederhorn gfuehrt, wo mir die herrlechi Ussicht gnosse hei.

Üsers Winterprogramm isch pünktlich fertig worde. Der erscht Kurs hei mir no chönne dürefuehre, noohär isch der zwöiti Lockdown cho, und mir hei wieder bis uf weiteres aues müesse absäge.

D'Wiehnachtsbelüchtig hei mir aber ou i däm Johr zäme mit dem Ortsverein abrocht. Mir hei i däm Johr serscht mou ä Hebebühni gmietet, da das eifach sicherer isch.

D'Seniore hei mir trotzdem mit eme Kalender beschänkt zur Wiehnachte beschränkt.

Ou d'Froue vom Bsuecherdienschte hei ihrer Bsüech nid wie süsch chönne wohrnäh. Aber wenn's isch möglich gsi, hei sie ihrer Bsüechli gmacht.

Im nöie Johr isches im gliche Stiu witergange. Wieder nume Absage. Mir chöi nume hoffe, dass mir im nöie Vereinsjohr dä Coronavirus i Griff überchöme.

Leider hei mir üsi Houptversammlig im Früehlig 2021 nid chönne abhaute. Da nüt dringends isch agschtange, hei mir sie grad ganz abgseit.

Witerhin hei mir auf Veranstaute Messe Absage. S'Corona het üs gäng no fescht im Griff gha.

Am 1. Mai hei mir wieder einisch öppis chönne düreführe.

De Widechuglekurs hei mir i zwöine Gruppe chönne ha. Anne Vormittag oder Mittag si wunderschöni Widechugle entschtange.

Am Ändi vom Monet hei mir ou d'Vorstandsarbeit wieder chönne starte.

Mir hei s'nöie Vereinsjohr afoh plane und hoffe, dass mir aues so chöi düreführe wie's mir gärn wette.

Aus erschts isch d'Kafistube und Wärchusstellig vor Schueu agschtange. Mir hei sie i däm Johr chli andersch abghaute. Sie isch Fusse ufem Schueuhuusplatz gsi. Ou hei mir vermehrt Take a Way aabotte. Bi wunderschönem Wätter hei mir Tische dusse zwäggmacht. Dinne si die flüssige Häufer am Wärch gsi und hei gluschtegi beleiti Brötli gmacht. Statt Turte hets Cake und Muffins gäh. D'Lüüt si i Schare cho, hei das

schöne Wätter und vorauem s'zämesi und s'Brichte gnosse.
Am Schluss si Audi Brötli und Chüeche wäg gsi.

Ä Wuche spöter hei mir üse Maibummu gmacht. Bi
rägnerischem Wätter si mir uf d'Bräschteneegg gfare und hei
dert ä grösseri oder chlineri Wanderig gmacht und nachhär
bimene feine Znacht gschtercht. Bin gmüetliche zämesi isch ä
schöne Obe zänd gange.

Am 21. Septämber het sich ä Reisefreudegi Gruppe ufem
Chileplatz troffe. D'Seniorehei sich ufe Wäg i Jura gmacht.
Zäme mit eme Pfarrer, wo ungerwägs änchlini Andacht gha
het, und mit verzögern vor Chilegmein und Iwohnergmein si
mir Richtig Weschte gfare. Nach äre schöne Fahrt dür
Juraweide hei mir üs bimene feine Mittagässe gschterkt. Bi
lebhafter Ungerhautig isch d'Zyt wie im Flug vergangeund mir
hei üsufe Heiwäg gmacht Machen churze abstächer übers
Chasseral si mir wieder Richtig Heimat gfare. Ohne
Zwüschefau si mir wieder z'Gumis acho.

Im Oktober hei mir üsers Winterprogramm wie planet chönne
starte. Wunderschöni Sprüchetafele si Unger de Aleitig vor
Andrea Summer entschtange.

Ou der Linedancekurs het begeischeret. Äs paar Froue hei
sich sogar derzue entschlosse dermit witerzfahre.

Die fliessige Limerfroue hei sich düre Winter ou Au Monet
einisch troffe und hei unger der Führig vor Beatrix Alt schöni
glismetu Sache härgschtöt.

Afangs November isch ou wieder der Pousemiuchtag gsi.
D'Ching hei sich Bi Miuch und Züpfe chönne stärke. Äs isch

gäng wieder schön, zseh, wie sich die Ching uf das feine
Znüni freue.

Bir Mirjam Meischer hei äs paar Froue Schöni
Adväntsdekoratione härgschtöt.

Bin dritte Aalouf hei mir du äntlich d'Stöckli Skimanufaktur
chönne besichtige. Dänisch erstaunlich, wie mäenge
arbeitsgang dass es braucht, bis me so ä Schi cha fahre.
Nacheme feine Mittagässe hei mir no der Fabrik lade vo de
Zug Chrömi bsuecht und üs mit denen Köschlichkeitideck.

Der Vortrag vor Senectute übere Vorsorgeuftrag und
Patiänteverfüegig isch sehr intressant gsi.

D'Wiehnachtsbelüchti hei mir ou i däm Johr zäme mit eme
Ortsverein montiert.

D'Andrea Sommer het mit de Ching Wiehnachtsgschänkli
baschtlet.

Bir Adväntsfir hei mir ä gmüetliche und ou besinnliche Obe
gha.

Säu verständlich hei mir ou üser Seniore ab 80 jährig ou i däm
Johr mit eme chline Gschänkli bsuecht.

Da nöie Johr het wieder mit absage agfange. Der Spiu- und
Jassnomittag hei mir wäre der Coronapandemie wieder
Messe absäge. Ou der Fiumobe und d'Stubete mit de
Mäuchnouer Landfroue hei mir zäme gliche Grund müesse
absäge.

Wunderschöne Schmuck isch bim Metal Clay Kurs
entschtange.

Ä intressante Tag hei mir Bir Regabasis in Klote dörfe erläbe.
D'Ursina Eggenwiler het üs sicher uf Klote und wieder hei
gfahre.

So hei mir trotz Corona äs intressants und spannend Johr
dörfe erläbe und hei üs doch ab und zur chönne träffe.

D'Bsuecherfroue hei leider ou i däm Johr nid so vili Bsüech
chönne mache.

Mir hei ou wieder verschiedeneni Geburtstags- Grüss fürs Johr
fürs chönne überbringe.

Ou mir im Vorstang hei probiert das Vereinsschiffli sicher dür
die stürmeschi Zyt zfüehre. Danke sind, wo derbi ghufe hei.
Mir chöi nume uf besseri Zyte hoffe.